

渭南文集卷第一

山陰陸

綫裝書局

表

天中節賀表

化國之日舒以長運啓千齡之盛天子有父

尊之至心均萬萬之驅敢即昌期虔申壽祝

中賀恭惟天任繼愈署簽



受命博將

# 宋集珍本叢刊

第三十四冊

四川大學古籍整理研究所 編

儒藏系列

# 宋集珍本叢刊

第三十四冊

任繼愈署簽



綏裝書局 中國·北京二〇〇四年

# 第三十四冊目錄

|        |                    |     |
|--------|--------------------|-----|
| 莊簡集(續) | 李光                 | 一〇三 |
| 苕溪集    | 清鈔本 劉一止            | 三八三 |
| 浮溪文粹   | 明正德元年馬金刻本、黃丕烈、韓應陞跋 | 四六五 |
| 陵陽先生詩集 | 清宣統二年沈曾植刊本 韓駒      | 五〇一 |
| 盧溪先生文集 | 明嘉靖五年刻本 王庭珪        | 七四五 |
| 太倉稊米集  | 清鈔本 周紫芝            |     |

欽定四庫全書

莊簡集卷十

宋 李光 撰

奏議

論國是劄子

臣聞楚莊王問於孫叔敖曰寡人未得所以為國是也叔敖曰國之有是衆非之所惡也君臣不合國是無由定也夫以區區之楚欲立國定制猶知所審況陛下紹膺大統撫御寰區當中外多事之時羣起殊方衆志異

莊簡集

卷十

宋集珍  
本叢刊

慮可不知審所是而定之乎伏見陛下即位以來敵人內侮國勢搶攘寬大之令數頒求言之詔屢下巨姦元惡斥逐殆盡忠臣義士聘舉無遺凡所以收人心者可謂至矣而廟堂之上所與協心圖治者不過六七執政大臣乃復牽於浮議各營己私導者背憎結怨嫁禍莫肯慨然以天下為己任者方今民勞官冗將驕卒惰外則邊境繹騷內則財用匱乏此誠國家危急之時陛下憂懷焦勞於上而羣公大夫放談竊議於下學校之士

不務宿業而以投匭為課程縉紳之徒不循分義而以

擇闥為職任自白身而登儒館由選調而參廟謨祖宗

以來所未有也行姑息之政徇苟且之習爵祿濫冒名

器浸輕因一天流言為之變法易令者數矣人主威權

何時而立祖宗法度何時而行朝廷綱紀何時而定此

實社稷之深憂也臣愚伏望聖慈明詔大臣深加訓教參

其邪正辨其臧否熟問深思求合理道然後斷而行之

疑其為姦則如勿任知其可任則不必疑奮乾剛以明

莊簡集

卷十

宋集珍  
本叢刊

黜陟隆委任以吉成功庶幾國是定而法制立矣竊天

下幸甚取進止

引對人乞先經三司劄子

臣伏見陛下踐阼之初下詔求言虛懷聽納雖跡跡小

臣間或引對親賜詢考將以開廣言路簡拔髣髴此盛

德之舉也臣愚竊慮陛下驟當幾務臣下忠邪未易洞

照其頗有利口辨言乘時僥倖以儼寵祿姦人窺覲名

器浸輕而實材忠朴之士往往耻於自售甚失陛下所

以惻怛訪遠之意欲乞今後臣寮非奉職合上殿人委  
三者大臣博采公議先次審察如委有行實及策畧識  
論過人即令引對庶幾抑絕奔競以來偶異之士取進  
止

論李會李權劄子

臣伏觀除目以李會李權為左右司諫訓詞褒論以首  
論蔡京有功特被召用外庭之議無不駭愕臣之區區  
亦所未諭夫首論蔡京者陳瓘也其次則有石公弼張

莊簡集

卷十

三

宋集珍  
本叢刊

克公毛注之流相繼彈擊上皇覺悟既能而復用者數矣  
京與王黼前後用事權傾天下言路塞絕多士盈庭莫  
敢開說方是時也忠義奮發不避死亡之誅慷慨言事  
不過曹輔等三五人爾下逮韋布之士廷對大問進藥  
石之言則有若范宗尹投匭獻計歲時政之失則有若  
朱夢說而會權在當時迭為臺官身任言責保寵固位  
被阿諛之譏目覩時事曾無一言遠陛下龍飛灼見姦  
惡太學諸生伏閣上言首論六賊之害蔡京之惡夫人

而能言之矣諫官御史能於此時明目張膽擊姦指倭  
實恃陛下聖明不啻摧枯拉朽之易何足為功况會權當  
金人圍逼都城力附白時中李邦彥專主避敵割地之  
謀方肅王之北渡也不罪金人之渝盟乃敢奮筆橫議  
以上皇還宮問肅王所在執持上下必欲以祖宗基業  
委之外夷至有三鎮與王室孰重之語章疏俱存可以  
考按今時中邦彥坐是落職議者指謂輕典而會權反  
被召用復預諫爭之列不知誰為陛下薦此二人者陛  
下好惡取舍如此廟堂之論何時而定百官有司之衆  
何所適從乎臣愚伏望陛下深思熟察辨邪正之歸無為  
詭辭偏說之所傾奪庶以仰稱陛下艱難求曲之意副四  
方跂竦之情所有會權等召命伏乞特賜寢罷以安衆  
情取進止

乞出第一劄子

臣出自寒鄉服勤州縣踰二十年學問荒落風節無聞  
此者伏遇陛下龍飛偶承人之擢寘言路亦既聞時志

莊簡集

卷十

四

宋集珍  
本叢刊

弱懦薄不任彈擊聞見淺陋無所建明夙夜震恐固知  
攸濟大懼仰自陛下任使之意伏念臣頃緣狂率遠貶  
嶺外還朝未幾復以妻室喪亡家貧于細私計逼迫兼  
臣與今御史中丞陳過庭實有鄉閭之舊不無朋比之  
嫌接武憲臺義當回避望聖慈特賜矜憫出於迫切  
非敢矯偽陰臣一合入差遣使得從容歲時陛下不忍  
終棄臣或未填溝壑復得收召東西南北惟命是從臣  
不勝哀祈激切之請

奉御筆所乞不允  
仍不得再有陳請

莊簡集

卷十

五

宋集珍  
本叢刊

乞出第二劄子

臣近具劄子以不任彈擊無所建明乞在外一合入差  
遣蒙陛下批荅所乞不允仍不得再有陳請臣踈遠微  
賤仰惟陛下寵遇之厚恩旨之嚴不敢再有塵瀆夙夜  
震惕進退徊徨臣伏見陛下以邊方未寧有當食忘餐  
之語義當捐軀以圖報稱顧臣實東南書生材力絀薄  
內之不能竭愚夫千慮之得外之不能效戎行一旅之用  
而陛下虛心訪逮發於懇誠聖心焦勞中外歎仰豈臣

之分尚得晏然況今豪傑志義之士介持隱淪之盼彈  
冠結綬獨立王朝誠非乏材之時而臣久處要塗實妨  
雪路臣雖有喪葬婚嫁之迫當茲急難豈敢僥倖東南  
差遣以便私計或蒙陛下哀憐別除臣一閑慢去處或  
京東西小郡使之推行詔條撫循凋瘵臣亦久在州縣  
粗諳民情庶幾勉竭愚短以報萬分伏望睿明俯憐惻  
恤特賜俞允取進止

再乞出第一狀

莊簡集

卷十

六

宋集珍  
本叢刊

臣近嘗兩具哀懇仰請聖慈乞東南小郡大馬之誠雖  
自謂切至終未足以動天聽之崇進退踴躍莫如所為  
臣切自念猥以庸愚遭值陛下初政首真言路閱時既  
久訖無涓埃少報萬分仍積罪悔上煩保全若日復一  
日必至齟齬兼臣近年因遭禍患志氣摧傷久得怔忡  
之疾比數發動難以冒居繩糾之地伏望赦其狂愚特  
賜矜憫除臣小郡或宮祠差遣一次使退處閒散之地  
將理衰疾萬一未填溝壑尚當廢捐仰報聖造臣自今

月二十七日更不敢入臺臣見居家俟命無任祈懇激切之至謹具狀奏聞伏候勅旨

再乞出第二狀

臣近嘗具奏贈以不任彈擊等事乞在外一合入差遣至今累日未蒙施行臣輒不避斧鉞之誅再瀆曼旒之聽伏念臣流落之久自去年五月還朝遭罹禍變妻室喪亡家貧累眾難以久任京局自春夏以來嘗因進對憊瀝誠懇累乞解罷言職聖恩深厚未賜矜從兼臣久

莊簡集

卷十

七

宋集珍  
本叢刊

在臺端才力絀弱無所建明難以冒處言責之地雖陛下天地父母覆燠涵容未即罷遣在臣愚分實不自安伏望檢臣前奏除臣東南小即或官觀差遣一次伏惟睿明俯矜微賤哀而憐之特賜俞允冒犯天威臣無任惶懼激切之至謹具狀奏聞伏候勅旨

論彗劄子

臣聞易曰天垂象見吉凶聖人象之蓋觀乎天文以驗得失者誠聖王之先務也臣伏見近者彗出寅辰間躍

度甚速此變異之大者或傳朝廷用陰陽家說以分野書之為敵人滅亡之證此恐導諛之人以甘言諂辭媚悅

陛下輕信其說無復答謝天譴之意則虧損盛德非宗廟生靈之福臣聞孔子作春秋不書祥瑞而書災異者蓋以警戒人君而知恐懼修省以應天變不聞以災異歸咎人也二百四十二年之間彗星三見禍亂輒應用室微弱上下交怨此皆人事之所感動也天心仁愛人君故出災異以譴告之不問天心仁愛遐荒欲其修省

莊簡集

卷十

八

宋集珍  
本叢刊

也陛下萬一惑於邪說凡天地變動各以分野言之則陛下之失自今以往誰復敢言蓋天變之發或發于未然之前或發於已然之後皆所以覺悟人君也所謂應天變之術豈有他哉在於修人事而已臣伏見陛下自即位以來凡所施為無非仰合天心下當人意者勤儉憂勞不聞有過然舉措之間安得每事皆當亦當窮究致彗之由推主誠行直道政事之不中不平者或未加治萬民之失業窮困者或未加卹姦邪之徒熒惑王聽



者或末加察言路駸駸復有壅隔之患則陰陽之和何時而致天地之變何時而息乎臣所以居言責之地而不能默然也冒犯天威臣無任激切恐懼之至

### 論治道劄子

臣嘗謂帝王者神民萬物之主也以一身而寄天下之上所恃者衆心之所戴也臣考自古興衰撥亂之君未有不因乎人心而能有為者蓋觀人心之所與則知天命之所歸故敵國之盛強或不足畏盜賊之猖獗或不

莊簡集

卷十

九

宋集珍  
本叢刊

足憂中原之竊據或不足慮關陝之捷奏或不足喜臣願陛下凡所舉措務合人心而已今移蹕之初扶携之民歸往如市海內黷顧皆托命於陛下士民傾屬以觀聖化之行則今日之所施為安得不汲汲乎昔梁襄王問于孟子曰天下惡乎定對曰定於一孰能一之對曰不嗜殺人者能一之孰能與之曰天下莫不與也又曰不行王政云爾苟行王政四海之內皆引領而望之欲以為君夫豈在乎山河之固甲兵之利土地之廣哉臣

願陛下克己恭勤隆道德於上大臣守法奉公肅紀綱於下明賞罰辨邪正懲汙偽之實以砥礪名節去姦慝之吏以惠養小民容受直言駕馭英傑如是兩人心不歸海內不服未之前聞也惟陛下留神省察取進止

### 乞廢常平主管官罷發運司劄子

臣謂今日之急務莫切於理財而理財之政有避其名而因失其實者有無其實而徒存其名者固未易舉今姑論其大者其事有二常平之法本於漢耿壽昌今

莊簡集

卷十

十

宋集珍  
本叢刊

州縣錢穀有屬常平令者名色非一悉總於戶部右曹今乃以王安石之故而廢之既使香鹽司兼領又別差主管官一員有司莫之遑從錢穀因致失陷豈非避其名而失其實乎發運使本以總六路財計以漕輓中都餽餉為職兵興以來既無轉輸今乃以雜買事委之其本錢盡從朝廷給降無慮五六百萬緡又以淮南總制司及諸路夫苗回易市易鹽軍等錢歲亦不下數十萬緡此國用所以益窘也臣愚欲望聖慈特降睿旨廢常平



主管官依舊令香鹽官兼領罷發運司其雜買總制等事令戶部侍郎專領廢發名正而事成官省而職舉不勝幸甚取進止

乞免放散民兵狀

契勘近緣金人渡江侵占建康府大隊復陷廣德軍明越秀州幸賴官兵同保甲用命防託把隘得保無虞今月初三日準德者一項應調發州縣鄉村民兵把隘候德音到限一月放散訖中尚書省緣見今大隊方離臨

莊簡集

卷十

十一

宋集珍  
本叢刊

安府取蘇秀路前五及建康府并淮南諸騎未退日近又被殘破太平州相去本州界不及五七十里人情震恐正藉民兵同官兵把隘守禦日下未敢放散更合取自朝廷指揮

三月二十五日奉聖旨候賊馬退日審度放散

乞罷王淵焦師叔狀

臣竊見本州新兵馬鈴轄武功大夫焦師叔前任平江府鈴轄到任未及數月因敵騎侵犯作緣故離任兼本官既係掌兵若已失守雖朝廷寬恩放罪難以使除一

般差遣下政已差武功大夫忠州團練使王淵係內臣王仍之子纔二十餘歲竊緣本州容通江岸正係緊切控扼之地防秋之際全藉官兵戮力捐軀以捍寇盜其王淵童駿無知焦師叔險狃二人皆難倚仗伏望聖慈別選有材武忠實之士填上件案關庶幾緩急之際不至闕事

乞進兵狀

昨自建康失守右僕射杜充退守儀真陳邦光李棣率

莊簡集

卷十

十二

宋集珍  
本叢刊

更民降番金人大隊由境上八浙將騎晝夜侵犯及防江潰兵四散剽掠幸賴朝廷威德將士協力防守至今臣探得建康所留番騎不過數千人偽蕭張二大帥與陳邦光李棣同治府事時復遣兵及黃旂招尤州縣如深水等處縣官皆已投拜本州竇與接境人情及側不住分遣將士前後殺獲首級招安到潰兵食軍班直契丹渤海等處人兵多方存養議奏外臣近據於潛知縣通直郎陳近仁昌化縣尉保義郎平協申去年十二月

二十日偽經畧使稱曰太子郎君偽知臨安府李侍差修武郎樂宏齋文字黃祈前來臨安於潛昌化等縣招撫官更本縣官吏各奮忠義遂將樂宏等四人斬首其臨安餘杭知縣將帶老父入城投拜邀請賊徒就縣數買金銀疋帛又於今年正月初十日再遣凌秀才王房才二人偽補承信郎令齋文字前來本縣亦將此二人處斬梟首號令及兩縣弓手土豪章聞王仙畢康等糾率諸鄉保甲義不從賊委是防托有功緣本州官下寧

莊簡集

卷十

十三

宋集珍  
本叢刊

國縣與兩邑接壤其知臨安府康允之未知去處吏民無所申訴臣已速急依已得聖旨便宜措置將立功四人先次借補承信郎及專遣使臣齋去年十二月二十日蠟彈手詔曉諭官吏兵民各仰用命守禦去訖臣竊觀金人敢深入江浙天時地理皆非所宜臣已率勵將士及將已團結到六縣保甲并招安到杜充防江統制官馬吉李進并班直京軍等邀其歸路臣已移文劉先世乞帶領大兵前來同衛王室及中各路轉運使李尚

行朱異前來權建康府安撫司職事庶幾列郡有所稟承並未蒙回報今賊馬既屯駐臨安府行在信息隔絕難通小人遂無忌憚臣累其奏聞欲乞速降睿旨差委重臣前來建康或令宣撫使周望傳檄四方約日進討水陸分布可使隻輪不返伏候勅旨

乞與宣州官吏推賞狀

契勘近緣金人渡江建康府廣德軍臨安府溧水建平餘杭臨安縣等處失守本州境壤祠接事勢危急自十

莊簡集

卷十

十四

宋集珍  
本叢刊

一月十八日以後敵騎潰兵日夕侵犯動以萬計少者亦不下千百人兩縣官吏臨心將士保甲用命防守至今凡九十餘日卒保無虞所有前後出戰把隘守城招撫等文武將佐人吏等實有勤勞欲望聖慈令臣聞其保奏推恩庶幾有以激勸

乞令漕臣應副岳飛錢糧等狀

臣契勘本州自軍興以來偶免殘破前後過軍萬數浩瀚皆臣竭力應副不敢毫髮仰干朝廷今來巨師古劉

晏岳飛大兵屯泊境上應副錢糧需索搗設臣不敢辭

避竊緣官軍與賊相持雖已出境緣建平漂水縣廣

德軍諸處並無官吏人民臣不免出界應副臣見左官

三員在廣德界及岳飛軍前專切運糧委是費力其本

路漕臣亦合移檄傍近州縣同共即移應副錢糧及搗設

金銀等况建康府已收復了卑自合前來管幹職事望

慈憫察本州係是小郡前後被害非一連賜行下本路

漕臣應副岳飛一項人兵六月二十日奉旨岳飛一行軍兵已降指揮聽候節制

莊簡集

卷十

十五

宋集珍  
本叢刊

所有合用錢糧自合撥發下隨軍轉運應副仰隨軍轉運副使劉家辰速文撥發副不付本州開缺

乞與土豪鮑瑒補官狀

契勘管下旌德縣保甲土豪鮑瑒等一項僅三千人結

自方賊作過時已自結集中間保護州境雖未立顯效

不曾費耗官中錢糧當州縣擾攘之時起發入城官兵

寡弱亦倚以為重盜賊不入郡境前知州呂好問嘗假

嘗假以承信郎及校尉等名目緣此累經朝廷陳狀希

望恩賞朝廷以許置土俗器使令防秋之降若因而撫

之亦足倚仗今來不敢別干朝廷只乞依已得指揮將

前知州劉資政已給降空名劄子先着補授五七品此

輩既已得官遂有顧藉防托過冬春將已結保中盡行

散遣收具器仗庶不為久遠之害

乞回避曾紆狀

朝奉郎新除徽猷閣待制知臨安府兼兩浙兩路兵馬

鈐轄臣李集奏蒙恩除前件差遣將欲到任仗見新除

本路轉運使曾紆臣頃任侍御史日曾論列今官緣此

莊簡集

卷十

十六

宋集珍  
本叢刊

送吏部今蒙正係統轄兼軍興之際財計用度動用關

決委有妨嫌伏望聖慈憫察別除臣一合入差遣或官

祠一次伏候勅旨

十月五日奉聖旨特不回避

乞留吳錫狀

臣伏聞已降指揮揚浙中出戍淮甸及吳錫一軍亦隨

逐前云臣之愚見竊慮敵人知大軍盡屯淮西或遣舟

師由海道擣虛又徐文又在江浙熟於道路今聞往來

沿海登萊諸郡風帆浪舶日行數千里理宜關防臣愚

欲望聖慈且留吳錫一軍以備緩急狂瞽之言誠為過  
慮然大駕所在理宜嚴密惟陛下留意省察幸甚謹錄  
奏聞伏候勅旨

小帖子

臣之愚見竊慮楊沂中合令候巨師古到然後啟行  
伏乞聖察

又小帖子

議者謂春夏風多東南然亦時轉西北伏乞聖察

莊簡集

卷十

十七

宋集珍  
本叢刊

欽定四庫全書

莊簡集卷十一

宋 李光 撰

奏議

辭免吏部侍郎狀

臣十月二日準尚書省劄子九月二十八日三省同奉聖旨除臣吏部侍郎令乘遞馬疾速前來者臣聞命震恐罔知所為伏念臣稟生拙難承學固陋幸遭旦暮之遇得効馳驅比自官祠更守近邸携擎到任曾未浹旬

莊簡集

卷十一

宋集珍  
本叢刊

敢謂誤恩有此除授退循薄誦切兢凌况天官劇曹素號雄選吏姦而莫究其弊官冗而未知所澄非得剛明之才曷振頽靡之習如臣庸懦豈敢冒居伏望聖慈特賜追寢成命庶安愚分臣已於當日交割職事與以次官一面起發迺還至前路聽候指揮外謹具狀奏聞伏候勅旨

乞車駕親征劄子

臣聞能扶天下之危則據天下之安能除天下之憂則

莊簡集

卷十一

宋集珍  
本叢刊

享天下之樂能救天下之禍則獲天下之福故聖人不畏多難而畏無難蓋多難之世懷戒懼休惕之心無難之世有宴安鴆毒之累自昔有為之君或開創基業或撥亂中興身遭艱阨而能奮然特起者未易概舉以漢高之英雄身居項王掌握中數矣然城破復收兵散復合彭越之敗至推墮二子而不顧害亦甚矣卒能滅楚以有天下者忍小耻以成大功也光武北徇燕薊困於王郎蒙犯霜露而皆破裂悍感不知所之然卒能破郎以興漢祚者因危難以恢帝業也恭惟陛下以慈儉之德當艱阨之運雖揚之變起于倉卒人心緣此而震恐將士因是而驕惰近年以來議論之臣各懷顧避上下一律莫肯慨然以持危扶顛為己任者今翠華駐蹕會稽首尾三載自去秋迄今敵人無復南渡之意淮甸咫尺了不經營長江千里不為限隔惴惴然日為乘桴航海之計謂之萬全臣所未喻也以區區晉元草創建國於基業既絕之際猶能立宗社修宮闕興學校農桑保

有江潮劉琨祖逖與強敵拒戰於并冀交豫梁雍諸州未嘗陷沒也以石季龍之彊大兵叩歷陽命王導都督中外諸軍事以禦之周世宗當五代之末取淮南攻隴右下三關皆御軍親行威震戎夷未聞專主避敵之謀如今日也況陛下英武命世以真主之勢而臨偽邦以中國之尊而抗戎夷天人助順軍人士庶孰肯甘心委質被髮左衽終身為汙偽降夷之人哉今將非不武兵非不衆陛下儻整兵順動則軍食壺漿以迎王師者袂

莊簡集

卷十一

三

宋集珍  
本叢刊

相屬也患在陛下無其志耳臣愚欲望陛下明詔三省密院大臣分令將士守禦江津力為保境之謀徐決親征之策庶幾經畧中原漸謀興復以副海內生靈願顯之望天下幸甚取進止

乞追罷守臣遷避詔書劄子

臣頃守宣城準樞密院劄子建炎三年六月十二日奉聖旨金人入寇多是因敵就糧深入內地致使吾民重遭塗炭今逐州府守臣與當職官共議或守或避各得

自使臣仰見陛下憂憫元元開示寬大之意可謂至矣臣竊謂守土之臣朝廷委以人民社稷之重固當存亡以之若預開遷避之門則人心搖惑亦無肯固守者矣臣觀百姓安土重遷非謂其愚無知也亦其勢不得不然蓋富者少而貧者多所資以生養者不過日求衣食之奉居於山者則有樵採之利居於澤者則有網罟之利都邑之民則盡智於交易田野之民則竭力於墾畝皆扣資以為生者今使轉而之它則是數者皆失其本

莊簡集

卷十一

四

宋集珍  
本叢刊

業將坐而資於官乎數萬之衆固不足以給之如此非獨老弱轉手溝壑雖強且壯者固不免也朝廷設官分職凡以為民若使列郡各得擇地遷避大者不過全其帑藏小者不過保其妻帑而已此於百姓何所利哉臣之區區誠願陛下申勅諸郡修城池備器械積芻粟聚人民力為固守之計有望風逆降棄城者皆嚴立法禁責以必死大者保境小者守城敵人雖復長驅豈能遽窺行在如前日子臣愚伏望陛下速降指揮追罷三年



六月詔書慨然責以大義命將帥遣戍役力為保境之謀庶幾列郡聞風有所畏憚實天下幸甚取進止

乞戒約苛斂狀

臣契勘移蹕事務不免科擾臨安府及傍近諸郡如竹木等物蓋有不獲已者今來不住體訪得諸邑及嚴州等處更有轉運司科派下供應班直木炭藁薦萬數浩瀚初不曾被受朝廷指揮以此道路傳播頗屬騷擾深為未便緣臣使事止是統領本府其傍近諸郡難以會

莊簡集

卷十一

五

宋集珍  
本叢刊

問伏望聖慈作訪問行下嚴賜約束庶幾少革苛斂之風仰副陛下仁儉之意不勝幸甚謹錄奏聞伏候勅旨

論移蹕措置事宜劄子

臣伏觀朝廷已降詔旨移蹕臨安府士大夫皆倒笏相慶又聞御批令婺州所屯張俊兵亦移屯臨安府臣仰見陛下乾剛獨斷不為衆議所奪此誠社稷之福生靈之幸也然臣竊有愚慮大抵舉事務微萬金若不審思必有後悔臨安經屠戮焚掠之酷全碧之區化為瓦礫

一旦移蹕復屯大兵則官司廬舍承易遽葺茅茨土階

之陋陛下縱能安之其如當此寒沍若加以雨雪連綿數萬之衆不免散處市井侵奪民居勢難禁約臣愚伏

望陛下遠詔三省密院大臣就卿監郎官中選差有精力幹才者一二人專往本府同徐康國及見任官多方措置務要不擾而辦候行宮軍壘稍成次第然後發遣

諸軍翠華順動其婺州所屯將兵家屬乞且於衢婺寄留止發壯勇仍令本府量度人數先次搭蓋席屋方得

莊簡集

卷十一

六

宋集珍  
本叢刊

移屯庶幾盛寒之際居者按堵免遷避之勞行者如歸無暴露之患不勝幸甚

乞裁減營繕行官狀

臣昨準尚書省劄子奉聖旨遣臣先至臨安府節制本府人兵及縱領移蹕事務臣到本府踰旬與漕臣守輝徐康國及知臨安府席益以次僚屬協力幹辦稍見次第臣契勘行宮殿宇元奉指揮合依徐康國所上圖策以一百間為率士大夫傳誦皆仰服陛下深自貶損愛



惜民力之意臣今體訪不住承準內降御寶營造去處  
非元圖所載竊慮兩漕臣及臨安應辦過當輦致木植  
追呼夫匠無有已時前日所降敕榜戒約殆為虛文臣  
今欲望陛下應合增修起造去處令臣預知或有過當  
許臣執奏庶幾上體陛下恭儉之德下寬九邑凋瘵之  
實天下幸甚謹錄奏伏候勅旨

乞免住罷行宮營繕狀

臣近準省劄奉聖旨今防秋戒期建康府修內可罷封

莊簡集

卷十一

七

宋集珍  
本叢刊

椿所降錢別聽指揮臣除已恭依即日住罷外竊緣臣  
所造正殿寢殿兩廊殿門等處各已畢工獨別殿壑舍  
雙門既已立木惟給瓦未了工役已多若便住罷竊慮  
暴露風雨柱壞材植他日之費必倍未審合與不合逐  
旋搭蓋結瓦更合取自聖裁況今農事將隙自有添差  
通判吳師直專領營繕與臣防秋職任自不相妨伏候  
勅旨

九月十一日三省同奉聖旨依已降指揮日下住  
罷其已立木并見在材植並如法遮蓋不得損壞

乞罷營繕添支狀

準尚書省劄子發運副使宋輝等劄子承降下添修辭  
截行宮所畫一除修內司兵近已奉十一月二十一日

聖旨許每日支破食錢一百文外所有壕寨監修部役  
促物料點檢醫藥飯食監門等官每日往來監轄工作  
分頭部役委是勤勞即未有許支食錢指揮已奉聖旨  
自都壕寨官日支一貫至白身魁擇官日支三百文凡  
三十一員以月計之共支錢五百餘貫湏至奏聞者

若臣契勘今來營造已見次第不出歲前可以畢工本

莊簡集

卷十一

八  
宋集珍  
本叢刊

上項監修官已有本身請給又有卷錢今又添支遲日  
食錢委是太優竊慮緣此妄作名目多方遷延未見了日  
臣愚欲望聖慈特降睿旨際軍營席屋外其行宮百司  
並限紹興二年正月初五日已前結局更不添支食錢  
如此非獨大駕移蹕有期亦足少革妄濫之弊謹錄奏  
伏候勅旨

乞蠲二浙積欠劄子

臣伏見近年以來外夷猖獗中原板蕩陛下駐蹕東南乘

與服御悉務減省而百司兵象皆仰給於二浙加以今日營繕所須一毫以上皆出民力師旅饑饉之後斗米千錢民雖凋弊固有怨詞深可憐憫臣愚伏望聖慈因今移蹕之後稍留寬大之澤以慰人心應二浙積負一切蠲除臣契勘臨安府九邑科配比它郡最為煩併其折變小麥為害尤甚及去年殘零稅賦見今時運司責限催納其數至微欲望特與釋放昨緣前知府孫觀將義倉米於正稅外更有折糴米二斗五升倉場受納復增

莊簡集

卷十一

九

宋集珍  
本叢刊

至一石又有鈔旁公吏乞覓不下一二千及每歲和買州縣既不曾支與償錢今聞本府每匹更令納見錢四百文足謂之糜費錢竊慮行之既久遂為求例諸縣軍馬經由支過係省錢斛多不肯豁除坊場虧欠課利委非侵欺無緣補發而官吏欲假此騷擾時一舉行追呼捕逮謂之干照錢縣官無所從出止是利民如斯苛細望悉蠲除庶幾小民蒙被實惠仰副陛下勤恤民隱之意取進止

進裴度平蔡州故事論主斷

唐書李愬傳曰初吳秀林降元濟請罪梯而下檻送京師臣聞古之善用兵必有正有奇是也唐太宗問李靖曰曹公云奇正旁擊卿謂若何靖曰臣愚謂大眾所合為正將所目出為奇烏有先後旁擊之拘哉臣觀李愬之入蔡陷不測之險以邀非常之功可謂用奇矣當是時吳元濟勁兵銳卒多屯洄曲宰相裴度為宣尉招討使馬總副之韓弘為都統李光顏烏重胤為大將軍賊

莊簡集

卷十一

十

宋集珍  
本叢刊

兵雖眾勢足以抗之愬之勝敗不係朝廷之安危也愬自文城柵襲張柴疾馳二百里夜半到蔡黎明擒元濟其摧大敵不啻反覆手之易一何神哉今議者不盡歸功於愬曰平淮蔡者裴度也不盡歸功於度曰成蔡功者憲宗也蓋愬雖出奇其實功徇耳而排衆論以主伐蔡之謀者度也度雖主謀議而獨斷不疑者憲宗也故韓愈頌曰凡此蔡功惟斷乃成嗚呼社稷之計安危之機有間不容髮者與衆智慮之一庸人足以擾之故謀